

(প্রেস বিজ্ঞপ্তি)

১২ নভেম্বর ২০২৩খ্রি.

হালিশহর থানা আওয়ামী লীগের শান্তি ও উন্নয়ন সমাবেশে-ভারপ্রাপ্ত মেয়র  
বিএনপি-জামায়াত দেশকে ধ্বংস করার জন্য আগুন সন্ত্রাস ও নৈরাজ্যের আশ্রয় নিয়েছে

চট্টগ্রাম সিটি কর্পোরেশনের ভারপ্রাপ্ত মেয়র আবদুস সবুর লিটনের উদ্যোগে আজ রবিবার দুপুরে বিএনপি-জামায়াত চক্রের আন্দোলনের নামে অরাজকতা সৃষ্টির বিরুদ্ধে জনগনের জানমাল রক্ষায় হালিশহর থানা আওয়ামী লীগ নগরীর নয়বাজার বিশ্বরোড চত্বরে শান্তি ও উন্নয়ন সমাবেশ সহ বিক্ষোভ মিছিলের আয়োজন করে।

শান্তি ও উন্নয়ন সমাবেশে চট্টগ্রাম সিটি কর্পোরেশনের ভারপ্রাপ্ত মেয়র আবদুস সবুর লিটন বলেন, বিএনপি-জামায়াত দেশের উন্নয়নকে সহ্য করতে পারছে না। তারা দেশকে ধ্বংস করার জন্য আগুন সন্ত্রাস ও নৈরাজ্যের আশ্রয় নিয়েছে। আমাদের সকলকে ঐক্যবদ্ধ থেকে তাদের এই ঘৃণ্য ষড়যন্ত্র মোকাবেলা করতে হবে। অগ্নি সন্ত্রাসীদের সামাজিকভাবে বয়কট করতে হবে। তিনি বলেন, আগামী জাতীয় সংসদ নির্বাচনে জননেত্রী শেখ হাসিনা'র বিজয় নিশ্চিত করে অসমাপ্ত কাজ সম্পন্ন করতে হবে।

শান্তি সমাবেশে উপস্থিত ছিলেন চসিক কাউন্সিলর হুরে আরা বিউটি, মহানগর সেচ্ছাসেবক লীগের সাধারণ সম্পাদক আজিজুর রহমান আজিজ, আওয়ামী লীগ নেতা মাস্টনউদ্দিন শাহ খোকন, শওকত আলী, সাইফুর রহমান পলাশ, দেলোয়ার হোসেন বাবলু, মনজুরুল আলম দুলাল, আবদুল মান্নান খোকন, শাহেদ আলম সহ ওয়ার্ড আওয়ামী লীগ, যুবলীগ, সেচ্ছাসেবক লীগ, ছাত্রলীগ ও মহিলা লীগ নেতৃবৃন্দ।

সমাবেশ শেষে বিক্ষোভ মিছিল নয়বাজার মোড় হয়ে হালিশহর বড়পুল মোড়ে গিয়ে শেষ হয়।

স্বাক্ষরিত/-

(আজিজ আহমদ)

জনসংযোগ অফিসার কাম প্রটোকল অফিসার

চট্টগ্রাম সিটি কর্পোরেশন।

মোবাইল-০১৮১৯-৯৩০ ৪৮৮